

Program ulaganja rizičnog kapitala – Poduzetnički dug (VCIP-VD)

Lokacija: Regionalni projekt

Identifikacioni broj projekta: 52407

Poslovni sektor: Informacijske i komunikacijske tehnologije

Vrsta: Privatni sektor

Okolišna kategorija: Okvirni program (FW)

Predviđeni datum razmatranja na Upravnom odboru: 10. mart 2021.

Status: **Završen pregled koncepta**

Datum objavljivanja KOP-a na engleskom jeziku: 02. februar 2021.

Opis projekta

U okviru svog Programa ulaganja rizičnog kapitala – Poduzetnički dug (VCIP-VD, koji će biti novi instrument u EBRD-ovom već postojećem programu VCIP, a predstavlja namjenski okvirni instrument u iznosu od 120 miliona eura), EBRD ima za cilj ulaganje putem instrumenta poduzetničkog duga sa iznosom pojedinačnog ulaganja do 10 miliona eura u preduzeća koja su u fazi rasta, oslonjena na rizični kapital i utemeljena na tehnologiji, u zemljama u kojima Banka posluje. Ulaganja će biti usmjerena na inovativna i brzorastuća mala i srednja preduzeća sa dokazanim poslovnim modelima i pokazanom sposobnošću mobiliziranja prihoda.

Uvođenjem poduzetničkog duga, ponuda investicijskih proizvoda EBRD-a proširuje se izvan instrumenata utemeljenih na vlasničkom kapitalu, te će doprinijeti popunjavanju praznine na tržištu usljed nedostatka finansiranja poduzetničkih pothvata u fazi rasta u regijama u kojima EBRD posluje.

Ciljevi projekta

Ciljevi Programa VCIP-VD su i) podržati proširivanje inovativnih poslovnih subjekata utemeljenih na tehnologiji i ii) razviti tržište poduzetničkog duga u regijama u kojima je

pristup finansiranju vlasničkog kapitala poduzetničkih pothvata u fazi rasta ograničen, a instrument poduzetničkog duga uglavnom nije dostupan.

Program VCIP-VD bit će dodatni instrument šireg Programa VCIP, koji i) omogućava Banci da u regijama u kojima posluje potiče ekonomije znanja, razvija tehnološke ekosisteme i podržava inovacije; ii) Banka, zahvaljujući Programu VCIP, igra važnu ulogu u popunjavanju praznine u finansiranju rizičnim kapitalom u regijama u kojima posluje; iii) VCIP omogućava Banci da zadrži portfeljni pristup u mogućnostima ulaganja s višim rizikom i višim povratom.

Tranzicijski učinak

Očekivani tranzicijski učinak (ETI): 80

Očekuje se da će Program VCIP-VD doprinijeti jačanju tranzicijskih karakteristika konkurentnosti i otpornosti buduću da će podržati rast visoko inovativnih preduzeća utemeljenih na tehnologiji, ali i poticati bolji pristup poduzetničkom dugu, koji u regijama u kojima EBRD posluje gotovo uopće nije zastupljen. Program VCIP-VD oslonit će se na uspjeh Instrumenata VCIP I i VCIP II i osigurat će ključnu podršku za razvoj ekonomije znanja u regijama u kojima Banka posluje, u skladu s Inicijativom EBRD-a za ekonomiju znanja.

Podaci o klijentu

Na osnovu pojedinačnih projekata.

Finansiranje od EBRD-a

100.000.000,00 EUR

Ukupna vrijednost projekta

120.000.000,00 EUR

Dodana vrijednost

U okviru Programa VCIP-VD, EBRD će pod komercijalnim uvjetima ponuditi inovativan instrument finansiranja, poduzetnički dug, koji nije dostupan kod drugih banaka ili fondova rizičnog kapitala u regijama u kojima Banka posluje.

Sažetak informacija o okolišnim i socijalnim pitanjima

Program kao takav nije kategoriziran u skladu sa Okolišnom i socijalnom politikom EBRD-a iz 2019. godine. Međutim, svaki od projekata u okviru Programa bit će kategoriziran na pojedinačnoj osnovi i podlijezat će zasebnoj dubinskoj analizi utjecaja na okoliš i društvo (ESDD), te ispitivanju sa stanovišta tranzicije ka zelenoj ekonomiji (GET) u zavisnosti od specifičnih karakteristika projekta i klijenta. Na osnovu kategorija pojedinačnih projekata, Banka će odgovarajućom dubinskom analizom

utjecaja na okoliš i društvo (ESDD) provjeriti da li je svaki od pojedinačnih projekata strukturiran tako da ispunjava Provedbene zahtjeve (PR) EBRD-a.

Tehnička saradnja i finansiranje iz bespovratnih sredstava

Ne

Kontakt u Banci

Bakhrom Ibragimov
02073386000

Datum posljednjeg ažuriranja KOP-a

05. februar, 2021. godine

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168
E-pošta: projectenquiries@ebrd.com

Za projekte u državnom sektoru, molimo kontaktirajte [EBRD Nabavke](#):

Tel.: +44 20 7338 6794
E-pošta: procurement@ebrd.com

Opći upiti

Posebni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani provedbeni zahtjevi (PR) utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i provedbeni zahtjevi uključuju konkretne odredbe u

skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, Politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnom i socijalnom politikom](#) ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnositelja zahtjeva može, na njegov zahtjev, ostati zaštićen.